

Primitiu ca:

- Is Comunas de Segariu, Sueddi, S. Nicolò Gerrei, S. Basili, Silius, Ballao, Pramantellu, Barumini, Lunamatrona, Pauli Arbarè e Furtei si funt assotziaus in d-un'Assòtziu de Comunas segundu s'art. 30 de su D. Lvu 267/2000 po su cumprimentu in modu assotziau de unu servítziu po otènniri is fundus comunitarius arranomonus "Opportunità Europee per lo Sviluppo Locale" cun Comunu-ghia su Comunu de Segariu;
- Custa cunventzioni, apustis chi dh'iant aprovada is Consillus Comunalis de custus Comunas, dh'iant firmada is Sindhicus puru su 12.3.2001, cun rinnou su 7 de su mesi de abrili de su 2003;
- Apustis chi in s'Assòtziu funt intraus puru is Comunas de Seligas, Bidhanoafranca e Senorbì, su 18 de su mesi argiolas de su 2007 s'est firmada una cunventzioni noa, chi in dí de oi est ancora in vigèntzia, po sa gestioni de su progetu CENTRO INSERIMENTO LAVORATIVO dí SOGGETTI SVANTAGGIATI finantziau cun su FONDO SOCIALE EUROPEO MISURA 3.4 DEL POR SARDEGNA 2000-2006;
- Me is is annadas de unu, de duus e de tres, de is progetus, nd'ant tentu benefítziu is Comunas de Furtei, Sueddi, Lunamatrona, Pauli Arbarè e Barumini e ca su Comunu-ghia fut su Comunu de Segariu;
- Ca in s'interis chi si fut portendu ainnantis s'annada de tres, cun delíbera de is Consillus Comunalis insoru, is Comunas de Senorbì, Seligas e Bidhanoafranca ant delibberau de intrai in parti issus puru in su servítziu de su cali a sa Misura 3.4 e ca de su progetu, custus Comunas, nd'ant tentu benefítziu po s'annada de cuatru e po cussa de cinu chi s'est cuncludia su 31 de su mesi de ladàmini de su 2008 e prorogada finas a su 31 de meseidas de su 2008;
- Ca po ai allargau su servítziu a custus Comunas, sa Regioni cun determinatzioni de su diretori de su Servítziu Políticas po su Traballu n. 3694/lav de su 28 de su mesi de donniasantu at cuntzèdiu una premialidadi (*premialità*) de € 36.000,00;
- Rilevau ca is atividadis de su progetu po s'annada de cinu si funt prorogadas chentza firmadas po su períodu de su 1u de gennaxu de su 2009 finas a su 31 de maju de su 2009;
- Bidas is delíberas GM. n. 149 de su 31 de meseidas de su 2008 e n. 29 de su 5 de martzu de su 2009 chi aprovant su pianu de is custos de su progetu po is primus cinu mesis de su 2009, cun sa formulatzioni de is diretivas chi sighint:
 - de ativai su progetu po s'annada de cinu chentza de firmadas rispetu a su progetu de s'annada de duus;
 - de confermai su personali chi dhui est giai in servítziu cun cuntratu de collaboratzioni coordinada e continuativa chi s'est scerau po sa primu annada cun d-unu bandu púbblicu poita ca andat beni po is iscopus chi si punnant po is calis su cuntratu s'est fatu (circulari de sa Presidenza de su Cunsillu de is Ministrus – Dipartimentu de sa Funtzioni Pubblica de su 5.7.2004);
 - de individuai in su sig. Mariu Ardu, chi at giai tentu s'incàrrigu po sa firma de sa cunventzioni cun sa Regioni e de responsàbbili amministrativu de su progetu po is annadas de unu, de duus, de tres, de cuatru e de cinu, su responsàbbili amministrativu puru po su perlongamentu de su servítziu po totu su períodu 1.1.2009/31.5.2009;
- Cunsiderau ca po sa gestioni de su progetu 1.1.2009/31.5.2009:
 - su Comunu de Segariu est Comunu-ghia gestori de su progetu Subra-comunali intra is Comunas de Segariu, Sueddi, S. Nicolò Gerrei, S. Basili, Silius, Ballao, Pramantellu, Barumini,

Lunamatrona, Pauli Arbarè, Furtei, Seligas, Bidhanoafranca e Senorbì;

-Is atividadis previdias de su progetu depint durai de su 1u de gennaxu de su 2009 finas a su 31 de maju de su 2009.

-Me in su quadru econòmicu de su progetu aprovau e finantziau a su 100% cun is risorsas de su FONDO SOCIALE EUROPEO est previdia s'ispesa de € 1.900,00 po ispesas de gestioni amministrativa e contàbbili;

-Is atividadis po sa gestioni de su progetu, apustis de is fasis operativas de predispositzioni, funt cumintzadas su 31 de meseidas de su 2008 e ant s'ighiri finas a su 30 de mesi de lampadas de su 2009;

- A sa gestioni de totus is atividadis amministrativas e contàbbilis providit su Comunu de Segariu (in callidadi de Comunu-ghia) cun is dependentis suos:

sig. Mario Ardu – responsàbbili de is servítzius finantziarius e responsàbbili de su progetu;
sig.na Elisa Scanu – impreada contàbbili de is servítzius finantziarius;

- In pràtiga is atividadis gestionalis funt:

-Sa pròroga cun is cunventzionis adatas de su personali postu a su Centro Servizi chi s'est giai individuau cun s'acumprimentu de 2 Bandus de Cuncursu pùbblicus po pigai 4 operatoris CO.CO.CO. cun cuntratu po annu;

-Sa gestioni giurídica, econòmica e cuntribbutiva de custu personali;

-Sa redatzioni de is atus amministrativus: delíberas de programmatzioni e diretivas e determinatzionis de impegnu e licuidatzioni;

-Sa gestioni de is garas de achistu de benis e servítzius;

-Is operatzionis contàbbilis de impegnu, licuidatzioni e pagamentu de is ispesas;

-Sa gestioni de atus amministrativus po sa cuncessioni a sugetus svantagias de is cuntribbutus po sa creazioni de impresas segundu sa lei 68/99;

-Su compudu de s'andhamentu de su progetu;

-Su rendicontu de is ispesas a s'enti finantziadori e a sa Commissione Europea po is averguadas amministrativas chi su CESIL de Segariu at depiu presentai poita ca dh'ant individuau in d-unu cuntrollu a campioni;

-Su coordinamentu de is atividadis de su Centro Servizi acumpangendu in s'atividadi is operatoris de su servítziu e is referentis de is atrus comunus assotzias;

- Cunsiderau ca custu traballu si fait segundu sa cunventzioni attuali stipulada su 18 de su mesi de argiolas de su 2008 de is Comunus arranomonas innoi asuba segundu s'art. 30 de su D.Lvo 267/2000 chi remplasat cussa chi si fut stipulada su 12 de martzu de su 2001 e rennovada su 7 de abrili de su 2003;

- Cunsiderau puru ca s'art. 11 coma 4 de su CCNL de su 31 de martzu de su 1999, a su presenti in vigèntzia, disponit: "me is Comunus cunventzionaus tra issus po s'esercítziu de funtzionis amministrativas o po s'acumprimentu assotziau de servítzius, a is responsàbbilis de is ufícios o de is servítzius chi acumprint a sa funtzioni insoru puru po is atrus Comunus, si apricat limitamenti a su períodu de acumprimentu de cussas funtzionis, sa disciplina de s'àrea de is positzionis organizativas de is calis a is artt. 8 e ss. in atuatzioni de sa disciplina de lei arregordada in su coma 1" e ca cussa dispositzioni dh'at cunfirmada s'art. 14 de su CCNL nou de su 22 de gennaxu de su 2004;

- Biu s'art. 37 de su CCNL de su 22 de gennaxu de su 2004;

- Relevau pure ca, comentis arrisultat de su verbali de s'Assemblea de is Sindhicus de is Comunus chi faint parti de s'Assótziu chi s'est fata su 16 de gennaxu de su 2002 innoi s'est esprimia sa voluntadi de pagai su traballu acumpriu de is dependentis comunalis impegnaus in sa

progetazioni e gestioni de is progetus po contu de s'Assòtziu;

- Donendu atu ca po podi pagai su traballu acumpriu de is dependentis postus po is atividadis nomenadas innoi asuba:
 - a) po cantu pertocat su personali responsàbbili de su servìtziu s'est pregontau cun d-una pregunta iscrita a su Assessorau Regionali a su Traballu (Enti chi donat su finantziamentu) pedendu chi cun su finantziamentu de su progetu fadiat puru a pagai su traballu in prus cun sa fòrmula de s'immuniadura de s'indennidadi de positzioni (aintru de is lùmitis cuntrualis)
S'Assessorau Regionali a su Traballu, apustis chi at girau sa pregunta a su Servizio di Assistenza Tecnica e Monitoraggio del POR SARDEGNA 2000/2006, at torrau isceda mandendu cun nota prot. 32067 de su 12 de cabudanni de su 2003 sa risposta "favorevoli" de su Servizio di Assistenza Tecnica;
 - b) Po cantu pertocat su personali non responsàbbili de su servìtziu s'est torrau a pregontai cun d-una pregunta iscrita sempri a su Assessorau Regionali a su Traballu chi at torrau isceda cun nota prot. 32067 de su 12 de cabudanni de su 2003 innoi narat ca est ammitia s'erogatzioni de s'incentivu a títulu de risorsas decentradas aciuntivas una tantum segundu s'art. 31 coma 3 de su CCNL de is dependentis de is Entis localis tenendu contu de s'effettivu traballu in prus;
- Apretziau de podi umperai sa cuota de € 1.800,00 cun in prus is oneris reflexus (*oneri riflessi*) chi arrisultant de su quadru econòmicu de su progetu po su perìodu 1.1.2009/31.5.2009 po pagai su traballu in prus de is sinn.

-Ardu Mario, chi acumprit a s'atividadi gestionali de su progetu po contu de s'Assòtziu de is Comunas a manera continua e comenti a responsàbbili;

-Scano Elisa chi acumprit a s'atividadi gestionali de su progetu comenti a impreadhu istrutori postu a s'ufficiu ragioneria de su Comunu-ghia, cun s'incàrrigu de elaborai is pagas e is stipèndhios, gestioni cuntribbutiva e fiscali de su personali, achistu de benis e servìtzios, redatzioni atus de impegnu, licuidatzioni de is ispesas, emissioni de mandaus e riversalis (*riversali*) e rendicontatzioni;

- Cunsiderau, duncas, giustu e doverosu a arreconosci a is sinn. Mario Ardu e Elisa Scano unu cumpensu po su traballu acumpriu in su perìodu 1.1.2009/31.05.2009 po contu de s'Assòtziu de is Comunas aintru de is lùmitis disponìbbilis de is risorsas chi arrisultant de su quadru econòmicu de su progetu cun ispesas in totu a càrrigu de su progetu etotu;

si proponit

- de arreconosci a su sinn. Mario Ardu, un'integratzioni a s'indennidadi de positzioni chi issu tenit me in su Comunu de Segariu de € 1.100,00 (cuota proportzionali a cussa posta po su perìodu friaxu/mesi de ladàmini 2008) de donai a s'acabadha de s'atividadi chi est previdia po su 31 de maju de su 2009, comenti a cumpensu po su servìtziu chi su dependenti at acumpriu po contu de s'Assòtziu de is Comunas segundu cantu previdit s'art. 11 coma 4 de su CCNL 31 de martzu de su 1999 e de s'art. 14 de su CCNL nou de su 22 de mesi de donniasantu de su 2004;
- de ponni sa soma de € 700,00 cun in prus is oneris reflexus, po pagai a sa sinn. Elisa Scano po su servìtziu chi at acumpriu, donendu atu ca sa licuidatzioni de su cumpensu dh'at a depi fai su responsàbbili de su servìtziu chi at a depi averguai su cunsighimentu de is obbjetivus previdius de su progetu;
- de donai in prus atu, ca s'ispesa totali de € 1.800,00 – adhia a is oneris reflexus a càrrigu de su datori de su traballu previdius po € 612,00 – po is integratzionis de is indennidadis de positzioni

chi ant a essi totus pagadas cun su finantziamentu pigau cun sa MISURA 3.4 de su POR SARDEGNA 2000/2006 – fondi per la creazione di un centro di servizi per l’inserimento lavorativo di soggetti svantaggiati – regularmenti postu a Bilànciu a s’interv. 1.10.04.03 Rif. Cap. 3350 competenza 2009.

- de incarrigai su responsàbbili de su servítziu finantziariu chi licuidit is integratzionis de positzioni e su cumpensu de produtividadi nomenaus innantis.

Su responsàbbili de su setori
firmau Mario Ardu

Sa giunta municipale

- bida sa proposta de delíberatzioni ;
- acheriu su parri favorevoli po cantu pertocat sa regularidadi ténnica e contàbbili de su responsàbbili de su servítziu interessau segundu su coma 1 de s'art. 49 de su Testo Unico de is leis apitzus de s'ordinamentu de is Entis localis D.lgs 18 de austu de su 2000 n. 267;
- retentu de depi providi apitzu de sa chistioni;
- a s'unanimidadi de is votus esprimius segundu is fórmulas de ritu;

delíberat

- de arreconosci a su sinn. Mario Ardu, un'integratzioni a s'indennidadi de positzioni chi issu tenit me in su Comunu de Segariu de € 1.100,00 (cuota proportzionali a cussa posta po su períodu friaxu/mesi de ladàmini 2008) de donai a s'acabadha de s'atividadi chi est previdia po su 31 de maju de su 2009, comentu a cumpensu po su servítziu chi su dipendenti at acumpriu po contu de s'Assótzziu de is Comunus segundu cantu previdit s'art. 11 coma 4 de su CCNL 31 de martzu de su 1999 e de s'art. 14 de su CCNL nou de su 22 de mesi de donniasantu de su 2004;
- de ponni sa soma de € 700,00 cun in prus is oneris riflessus, po pagai a sa sinn.na Elisa Scano po su servítziu chi at acumpriu, donendu atu ca sa licuidatzioni de su cumpensu dh'at a depi fai su responsàbbili de su servítziu chi at a depi averguai su cunsighimentu de is obbietivus previdius de su progetu;
- de donai in prus atu, ca s'ispesa totali de € 1.800,00 – adhia a is oneris riflessus a càrrigu de su datori de su traballu previdius po € 612,00 – po is integratzionis de is indennidadis de positzioni chi ant a essi totus pagadas cun su finantziamentu pigau cun sa MISURA 3.4 de su POR SARDEGNA 2000/2006 – fondi per la creazione di un centro di servizi per l’inserimento lavorativo di soggetti svantaggiati – regularmenti postu a Bilànciu a s’interv. 1.10.04.03 Rif. Cap. 3350 competenza 2009.
- de incarrigai su responsàbbili de su servítziu finantziariu chi licuidit is integratzionis de positzioni e su cumpensu de produtividadi nomenaus innantis.